



# 罪惟錄列傳卷之十二下

劉文炳 母杜氏 弟文耀 諸父繼祖 妻王氏 二女 弟及諸媵妾

劉文炳，字洪筠，北直任丘籍，南直海州人。父效祖，以孝純皇太后恩封新樂侯。崇禎甲申三月，賊突京城，以都督奉命守崇文門。上御中左門，召文炳及駙馬都尉鞏永固語兵事，秘不得聞，大略欲以家丁護太子南奔，事不果。十九日昧爽，上復命調京營兵內護，文炳按營，營潰，還報。上復問護衛軍，時衛士盡駭散，不可問。上黯然不語入。有頃，城陷。文炳躍馬巷戰，射多中，誓與駙馬死賊。賊競赴大內，索貨去，文炳得歸第。先是，母杜度城陷，呼文炳及炳弟左都督文耀、右都督文炤，樓懸孝純皇太后像，泣且拜，囑曰：「兒努力，毋忘太后恩。」文炳等敬諾。至是，文炳不能爲，擬闔門死國，乃作數十纒樓上，積薪其下，命老僕鄭平召二女弟，一適武清侯子李國瑞，一適恭順侯子吳希彬者，須臾皆至。文炳趨其妻王偕其二女弟並登樓。時母杜□□□□杜尋復下，以二嬖抵戶，甫上樓，而文炳妻王與二女弟已氣盡。母杜從之，纒絕，續纒，復絕，蓋六纒乃死。長女弟□□死，驚，登樓臂折，暈復甦。僕平扶持上樓，九纒而後死。□□焚樓，火熾，文炳促投井。見影，曰：「戎服也，不可以見先皇帝。」覓冠服不得。友申

湛然方失朝歸，脫幘與之。幘小，不可冠，折幘乃冠，投井死。而文炳叔父太保繼祖，初常與文炳昆弟坐井傍汲飲，飲列，戲曰：「苟急難，此九泉矣。」至是城陷，太保果赴井，曰：「戲語爲讖，豈非天哉！」而太保妻左，以連室延焚死。文耀在外城，馳百里，至渾河，聞內城陷，入見闔門死義狀，亦大書井傍：「左都督劉文耀畢命報國處。」遂投井死。文炳年三十有一，一門媵妾僕從焚死者凡四十三人，惟其弟文炤存。弘光中，贈文炳太師，恆國公，諡忠壯。文耀□□□□果。

論曰：自國初至此，無以恩澤攬權、縫大璫爲不道者，知諸皇后諸太后之賢矣，馬孝慈之所詒謀遠也。觀文炳一家，無不念孝純，六經九經，刑于且然。至睨井而不敢以戎服褻至尊，□從容守禮，不二也已。四□□□爲知恩哉。

張振德妻錢氏二女一家九人 徐希文及妻白氏 徐大禮 王碩輔 左重

洪惟翰 馮鳳雛 張志馨 宋應阜 袁一修 蘇樸 張盡倫 胡纘

張振德，字季脩，南直崑山人，以選貢除興文知縣。興文故戎縣，萬曆中九絲蠻平，因改名，密邇蘭會奢氏。奢崇明以朝廷徵兵援遼，激而叛。天啓元年，振德方預蜀闈，事竣還。而土把樊龍反於重慶。興文治單，振德誓曰：「吾乘城守，事不可爲，則吾行吾志。」時兼治長寧，長寧有簿來迎，不可。請家人移避之，復不可。授書次子緄：「吾惟手持兩印報國。兒幸完，宜爲善畢吾未竟之志。」俄賊數千薄城，勉躬胄出戰。不利，退入署，左臂二篆，右秉匕首，危坐廳事。妻以下，人持一刃，坐後堂，積薪待焚。賊入，

不敢犯，散搜城。振德望關叩頭，火舉，妻鍾，女淑安、淑慶，及僕婦蘇沈，長幼同焚死九人，振德亦竄入火死。家人顧美、嚴英先巷戰死。賊會胡宗祿等，見振德屍烟焰中，愕稱忠臣不去口，羅拜去。緝聞脫。詔贈振德光祿寺卿，諡烈愍，廕一子紀錦衣世千戶。制曰：「生吾所欲，矧二十餘口赴義如歸；國尚有人，蓋二百餘年養士之報。」振德治清，且死，出宦囊僅二緡零，給其子間走。初藁葬縣南天壇山，久始得歸。教諭徐希文，華容人，與妻白氏被執索金，罵賊死。其若奢會之難在任死者，爲長寧主簿徐大禮，一家四口咸仰藥死。南溪知縣王碩輔，禦賊，力竭死。灌縣知縣左重，提兵援省，遇賊戰敗死。梓潼知縣洪惟翰，城破，索印不與，死。遵義推官馮鳳雛，罵賊死。大足主簿張志譽，典史宋應臯，集兵戰賊西壇，陣死。威遠經歷袁一脩，遵義司獄蘇樸，不屈墮城死。凡在籍死者，合州原任鞏昌同知張肅倫，鼓衆拒賊，被刺死。永寧鄉薦胡纘，被囚計脫，起義，且二萬，埋內應賊中，待時發，爲火藥所燒殺。論曰：蘭變非有遠計，破城殘耳。此時法失守必無倖，實以無可倖自全，故不得不出死。顧死者寥寥，振德以下可數。知欲生則無不可倖也，諸死其不爲倖生者哉！

徐可求 孫好古 駱日昇 黃守魁 下十六人 王守忠 李繼周 章文炳 下八人

徐可求，字□□，西安人。以進士歷僉都御史，巡撫四川。天啓二年，禦蘭賊重慶，力竭，城陷，罵賊死。巡守道孫好古，駱日昇從容自經。時武臣總兵黃守魁，參將萬金、守備劉自靖、孫世侯、毛民望、遊擊李縉、指揮王登爵、韓應泰、崔英、李世助、李承宗、鎮撫郁聯若、千總王成龍、千戶鄭應欽、百戶范之偉、張

羽、汪起蛟俱陣死。援將王守忠、李繼周亦並戰歿。其郡守以下，重慶知府章文炳、推官王三宅，拮据芻餉煩瘁，同知黃世科、熊嗣元、知縣段高選、訓導趙燿、縣丞蕭美、葛盛德、典史吳應元咸死之。

論曰：蘭畔猝發，兵法所云出其不意，故防者疎，而起而挺之者亦脆甚，無怪其胥弱也。諸文武咸鼓徐撫軍之怨云。

王三善楊懋愈 郭象儀 梁思泰等四十餘人 魯欽 楊明輝 管良相 丘具仰

王三善，字彭伯，河南永城人。萬曆辛丑進士，司理荊州，以執法聞。入爲吏部郎，忤臺省，疾歸。歷右僉都御史，巡撫貴州。時蘭會旣叛，水西安邦彥起應之。久之，挾安位爲名，衆猶十萬，以天啓壬戌圍貴陽。舊巡撫李樸、巡按史永安嬰城固守。永安與諸將盟，作《飲血歌》見志，掘草根煮鼓甲俱盡。戰江門，敗績，總兵楊愈懋、推官郭象儀死之。三善受命馳授，召諸將約：「吾輩失黔死法，進援死敵，等死，奈何不以忠義自奮？」于是令道臣何天麟督兵七千，從清水江進，爲右部；道臣楊世賞督兵萬餘，從都勻進，爲左部；而身與道臣向日升將二萬當賊鋒。至龍頭營，遇賊，命劉超爲前鋒，擊斬賊首阿成，賊披靡。大兵繼至，進奪龍里城。衆議兵深入，量而後進，三善不可，先驅出不意，賊果驚散奔。癸亥正月，抵貴陽。賊走陸廣、河外，三善排衆議，決意自將，至閏十月，部六萬渡烏江，次黑石，斬失機偏裨覃弘化，令于軍。賊悉衆至，始出十數騎，憑東嶺瞰諸壘。三善下令：「不俟中營礮聲而出者斬。」乃閉營休士。賊漸下山，卽平地，忽舉礮，應聲擊之，賊敗走。再至，再敗之。賊柵漆山自固，以老我師。

查看完整版

付费下载



---

## 【百万古籍库】

<https://www.fozhu920.com/list/>

【易】【医】【道】【武】【文】【奇】【画】【书】

1000000+ 高清古书籍

打包下载





## 【风水】风水命理资料合集\_9500 本

阴宅阳宅、风水堪舆、八字命理、手相面相、符咒卦象、奇门遁甲、紫微斗数.....



## 【中医】中华传统医学资料大全\_15000 本

针灸、推拿、正骨术、汉医、苗医、民间秘方偏方、药洒药方、祖传医术、珍本...



## 【道术】道家法术\茅山术\符咒术\气术\_3000 套

修真秘籍、丹道、道家秘术、胎息功、内丹术、茅山法术、道家符咒、巫术、...



## 【武术】传统武术与现代搏击术\_6200 册

少林、武当、太极拳、形意拳、八极拳、咏春拳、气功、散打、格斗、拳击、...



## **【集藏】经史子集库\_13300 卷**

【经史子集】楚辞、汉赋、诗集、词集、宝卷、正史、编年、别史、纪事本末、地理志...



## **【国画】传世名画 \_ 6100 卷**

唐、金、辽、宋、元、明、清 800 多位画家近 6000 多幅传世...



## **【县志】方志\地方县志\乡志\地理志\_8100 册**

府志、区志、乡志、地理志..... 此合集为全国范围地方县志\府志古籍影印电子版，...



## **【国学】中华古籍库—32 万册古籍书**

32 万册《中华古籍库》【32 万册影印古籍 + 20 多亿字，带检索器和阅读工具】包括各地方志、日本内...

**【更多】 >> <https://www.fozhu920.com/list/>**